



## Općinska izborna komisija

Na osnovu člana 11. stav (2) Poslovnika o radu Općinske izborne komisije Novo Sarajevo, broj 02OV-01-1-6762/23-1 od 25.08.2023. godine, a u vezi sa članom 2.12 stav (1) Izbornog zakona Bosne i Hercegovine („Službeni glasnik BiH“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20, 38/22 i 51/22), Općinska izborna komisija Novo Sarajevo na 25. sjednici, održanoj dana 4.4.2024. godine, d o n o s i:

### **ODLUKU**

#### **o utvrđivanju kvalifikacija, proceduri imenovanja i razrješenja sekretara Općinske izborne komisije Novo Sarajevo**

#### **Član 1. (Predmet)**

Odlukom o utvrđivanju kvalifikacija, proceduri imenovanja i razrješenju sekretara Općinske izborne komisije Novo Sarajevo (u daljem tekstu: Odluka), utvrđuje se nužna kvalifikacija za imenovanje na poziciju sekretara Općinske izborne komisije Novo Sarajevo (u daljem tekstu: Izborna komisija), obim poslova koje obavlja sekretar Izborne komisije i procedura za imenovanje i razrješenje sekretara Izborne komisije.

#### **Član 2. (Kvalifikacije)**

(1) Opći uslovi:

- a) da je državljanin Bosne i Hercegovine,
- b) da je stariji od 18 godina.

(2) Posebni uslovi:

- a) da ima prebivalište na području općini Novo Sarajevo,
- b) da ima završen fakultet VII stepen stručne spreme ili završen fakultet Bolonjskog sistema studiranja koji se vrednuje sa 240 ETCS studijskih bodova, pravne struke,
- c) da ima najmanje 3 (tri) godine radnog staža u struci nakon sticanja VSS,
- d) da je državni službenik zaposlen u Općini Novo Sarajevo i
- e) da posjeduje iskustvo u provođenju izbora.

(3) Pod iskustvom u provođenju izbora podrazumijeva se:

- a) Članstvo u izornoj komisiji i
- b) Članstvo u biračkom odboru na izborima obuhvaćenim Izbornim zakonom BiH.

#### **Član 3. (Procedura za raspisivanje internog oglasa)**

Izborna komisija donosi odluku o objavljivanju internog oglasa za imenovanje sekretara Izborne komisije u skladu sa ovom Odlukom. Navedenom odlukom se posebno utvrđuje: mjesto oglašavanja internog oglasa, uslovi koje kandidat mora ispunjavati, period na koji se imenuje, rok za podnošenje prijave i tekst Internog oglasa.

**Član 4.**  
**(Prijavljivanje na interni oglas)**

- (1) Prijava na interni oglas se podnosi u roku od osam dana od dana objavljivanja.
- (2) Prijava na interni oglas iz stava (1) ovog člana sadrži:
  - a) uredno popunjen prijavni obrazac, koji je sastavni dio ove odluke,
  - b) listu dostavljenih dokumenata i svojeručan potpis podnosioca prijave,
  - c) dokumente koji dokazuju ispunjenje uslova iz internog oglasa, odnosno dokumente iz člana 2. stav (2) tačka a), b), c), d) i e).

**Član 5.**  
**(Klasifikacija kandidata)**

- (1) Po zatvaranju internog oglasa Izborna komisija vrši pregled i klasifikaciju prijave kandidata na one koji ispunjavaju uslove tražene internim oglasom i na one koji ne ispunjavaju uslove, o čemu sačinjavaju zapisnik (Prilog 1 Odluke - Tabela 1 i Tabela 2).
- (2) Izborna komisija je obavezna obavijestiti pisanim putem sve prijavljene kandidate o rezultatima izvršene klasifikacije.

**Član 6.**  
**(Intervju, bodovanje i utvrđivanje rang liste kandidata)**

- (1) Izborna komisija dostavlja pisani poziv kandidatima koji ispunjavaju uslove propisane internim oglasom koji obavezno sadrži datum i termin zakazanog intervjuja.
- (2) Poziv iz stava (1) ovog člana se dostavlja e-mailom najkasnije tri dana prije održavanja intervjuja.
- (3) Izborna komisija vodi detaljan zapisnik o intervjuu koji, između ostalog, obavezno sadrži postavljena pitanja i odgovore kandidata, bodovanje i utvrđivanje rang liste kandidata (Prilog 2 i Prilog 3. Odluke).
- (4) Listu pitanja čine pitanja iz četiri različite oblasti iz izbornog zakonodavstva i izbornog procesa i to:
  - a) Nadležnosti izbornih komisija i biračkih odbora;
  - b) Provedba izbora i zaštita izbornog prava;
  - c) Planiranje aktivnosti i budžet;
  - d) Etički kodeks organa za provođenje izbora i poslovnik o radu Izborne komisije.
- (5) Lista pitanja za intervju sa kandidatima bez odgovora na pitanja, objavljena je na internet stranici Centralne izborne komisije Bosne i Hercegovine i na taj način je dostupna javnosti.
- (6) Izborna komisija postavlja kandidatima ukupno tri pitanja iz različitih oblasti navedenih u stavu (4) ovog člana.
- (7) Svaki član Izborne komisije ocjenjuje sva tri odgovora kandidata dodjelom bodova od 1 do 5 (Prilog 2 Uputstva - Tabela 1). Broj bodova na intervjuu za svakog kandidata predstavlja zbir bodova koje je kandidat dobio od svakog člana Izborne komisije na intervjuu, podijeljen sa brojem članova Izborne komisije koji su učestvovali na intervjuu. (Prilog 2 Odluke - Tabela 2).
- (8) Po završetku intervjuja vrši se bodovanje kandidata prema sljedećim kriterijima:
  - a) stručna sprema

<b>Stručna sprema</b>	<b>Broj bodova</b>
Visoka stručna sprema	5 bodova
Visoka stručna sprema i naučno zvanje mr iz oblasti prava ili iz oblasti izbora	7 bodova
Visoka stručna sprema i naučno zvanje dr iz oblasti prava ili iz oblasti izbora	8 bodova

Ukoliko kandidati imaju položen pravosudni ispit, dodatno se boduju sa 2 boda.

- b) izborna iskustvo

<b>Izorno iskustvo</b>	<b>Broj bodova</b>
Predsjednik izborne komisije	4
Član izborne komisije	3
Sekretar izborne komisije	2
Zamjenski član izborne komisije	2
Predsjednik biračkog odbora	2
Član biračkog odbora	1

- (9) Izborna komisija prilikom bodovanja kandidata po osnovu izbornog iskustva, boduje samo jednu (najvišu) dužnost koju je obavljao.
- (10) Bodovanje se vrši sabiranjem ukupnog broja bodova po osnovu: stručne spreme, izbornog iskustva i uspjeha na intervjuu. (Prilog 3 Odluke - Tabela 1). Ukupan broj bodova kandidata predstavlja zbir osvojenih bodova iz stava (7) ovog člana i osvojenih bodova iz stava (8).
- (11) Izborna komisija sačinjava rang - listu sa redoslijedom kandidata prema uspjehu (ukupnom broju bodova) (Prilog 3 Odluke - Tabela 2), te cijeneći položaj kandidata na listi, donosi odluku o imenovanju prvorangiranog kandidata za sekretara Izborne komisije.
- (12) Odluku o imenovanju sekretara, Izborna komisija dostavlja svim intervjuisanim kandidatima, putem e-maila.

**Član 7.**  
**(Period na koji se imenuje sekretar Izborne komisije)**

Sekretar Izborne komisije imenuje se na period od dvije godine uz mogućnost produženja i to maksimalno dva puta uzastopno.

**Član 8.**  
**(Naknada)**

Sekretar Izborne komisije ima pravo na naknadu za svoj rad u visini naknade koju primaju članovi Izborne komisije. Sredstva za naknadu se obezbjeđuju u Budžetu Općine Novo Sarajevo, Budžetski program - Program podrške rada parlamentarnih političkih stranki i izborne aktivnosti - ekonomski kod 613900 - Izdaci za OIK.

**Član 9.**  
**(Razrješenje sekretara Izborne komisije)**

- (1) U slučaju kada sekretar Izborne komisije podnese ostavku na dužnost sekretara Izborne komisije, Izborna komisija razriješit će sekretara Izborne komisije. Ostavka se podnosi u pisanoj formi.
- (2) U slučaju kada sekretaru Izborne komisije prestane radni odnos u Općini Novo Sarajevo, Izborna komisija razriješiti će sekretara Izborne komisije.
- (3) Ukoliko sekretar Izborne komisije ne prisustvuje redovno sjednicama Izborne komisije iz neopravdanih razloga, i/ili krši odredbe Izbornog zakona BiH i/ili podzakonskih akata koje donosi i provodi Centralna izborna komisija BiH, odnosno drugih propisa koje donosi Izborna komisija, Izborna komisija razriješit će sekretara Izborne komisije.

**Član 10.**  
**(Poslovi sekretara Izborne komisije)**

- (1) Sekretar Izborne komisije obavlja stručne i administrativno-tehničke poslove za Izbornu komisiju, uključujući, ali ne ograničavajući se na:
  - a) pripremanje materijala za sjednicu Izborne komisije, u saradnji sa predsjednikom Izborne komisije,
  - b) dostavljanje poziva i materijala za sjednicu Izborne komisije,

- c) vođenje zapisnika i pripremanje akata usvojenih na sjednici Izborne komisije,
  - d) zaprima i odgovora na e-maile Centralne izborne komisije i drugih, koji su upućeni na službenu e-mail adresu Izborne komisije,
  - e) saraduje sa zaposlenikom Centra za birački spisak,
  - f) dostavlja mjesečne i godišnje izvještaje o radu Izborne komisije Centralnoj izbornoj komisiji,
  - g) osigurava javnost rada Izborne komisije, dostavlja na objavu informacije na web stranicu Općine Novo Sarajevo,
  - h) obavlja druge poslove sukladno nalogu predsjednika Izborne komisije i same Izborne komisije.
- (2) Sekretar prisustvuje sjednici Izborne komisije, bez prava glasa, uz pravo učešća u diskusijama.

**Član 11.**  
**(Stupanje na snagu i objava Odluke)**

Ova Odluka stupa na snagu danom donošenja, a objavit će se na web stranici Općine Novo Sarajevo.

Broj: 02OV-01-1-3633/24-1  
Sarajevo, 4.4.2024. godine

**PREDSJEDNICA**  
**Općinske izborne komisije**

*Jasna Nikšić*

**Prilog 1: Zapisnik 1 (ZOIK – 1)**

**Zapisnik 1 Općinske izborne komisije  
u predmetu imenovanja sekretara OIK**

Općinska izborna komisija održala je \_\_\_\_\_ u \_\_\_\_\_ sati u prostorijama Općinske izborne komisije sastanak, na kojem je izvršila pregledanje prijava kandidata na Interni oglas za imenovanje sekretara OIK.

U propisanom roku na Interni oglas se prijavilo \_\_\_\_\_ kandidata.

Neblagovremenih prijava je \_\_\_\_\_.

Nakon izvršenog pregleda prijava, Općinska izborna komisija je izvršila klasifikaciju kandidata na one koje ispunjavaju uslove traene internim oglasom i na one koji ne ispunjavaju uslove, uz obrazloženje za kandidate koji ne ispunjavaju uslove traene internim oglasom.

**a) Kandidati koji ispunjavaju uslove tražene internim oglasom (Tabela 1)**

R/b	Ime i prezime kandidata	Potpisana prijava sa listom priloženih dokumenata
	Dokaz o izbornom iskustvu Obrazac PBA-3	*Dokaz o naučnom zvanju i/ili položenom pravosudnom ispitu

\*Kolona se popunjava ukoliko je kandidat dodatno bodovan.

**b) Kandidati koji ne ispunjavaju uslove tražene internim oglasom (Tabela 2)**

R/b	Ime i prezime kandidata	Obrazloženje - precizan opis razloga zašto se kandidat isključuje iz dalje kvalifikacije
-----	-------------------------	--

**Potpis članova Općinske izborne komisije**

**Prilog 2: Zapisnik 2 (ZOIK – 2)**

**Zapisnik 2 Općinske izborne komisije  
u predmetu imenovanja sekretara OIK Novo Sarajevo**

Općinska izborna komisija održala je \_\_\_\_\_ u \_\_\_\_\_ sati u prostorijama Općinske izborne komisije sastanak, na kojem je obavljen intervju sa kvalifikovanim kandidatima na Interni oglas za imenovanje sekretara OIK Novo Sarajevo broj: \_\_\_\_\_ od \_\_\_\_\_ godine i bodovanje kandidata.

Intervju se odazvalo \_\_\_\_\_ kandidata. Intervjuu nije pristupilo \_\_\_\_\_ kandidata.

Kandidati su o datumu i mjestu održavanja intervjuja obaviješteni su putem e-maila.

Izborna komisija je izvršila identifikaciju kandidata uvidom u lični dokument, te pristupila intervjuu sa kandidatima kako slijedi:

**Ime i prezime kandidata 1:**

Pitanje 1:

Odgovor kandidata:

Pitanje 2:

Odgovor kandidata:

Pitanje 3:

Odgovor kandidata:

**Ime i prezime kandidata 2:**

Pitanje 1:

Odgovor kandidata:

Pitanje 2:

Odgovor kandidata:

Pitanje 3:

Odgovor kandidata:

I tako redom za sve kandidate koji su pristupili intervjuu.

a) Za svakog kandidata svaki član Izborne komisije vodi tabelu koja sadri sljedeće podatke:

(Tabela 1)

Oblast	Pitanja	Osvojeni bodovi
Nadležnosti izbornih komisija i biračkih odbora		
Provedba izbora i zaštita izbornog prava		
Planiranje aktivnosti i budžet		
Etički kodeks organa za provođenje izbora i poslovnik o radu Izborne komisije		
<b>Zbir osvojenih bodova:</b>		

b) Ukupan broj bodova za svakog kandidata (zbir bodova koje je kandidat dobio od svakog člana Izborne komisije na intervjuu, podijeljen sa brojem članova Izborne komisije koji su učestvovali na intervjuu.

(Tabela 2)

Članovi Izborne komisije	Broj bodova (Pitanje 1)	Broj bodova (Pitanje 2)	Broj bodova (Pitanje 3)	Zbir osvojenih bodova
Član 1				
Član 2				
Član 3				
Član 4				
Član 5				
Član 6				
Član 7				
<b>Ukupan broj bodova:</b>				

**Potpis članova Izborne komisije**

**Prilog 3: Zapisnik 3 (ZOIK – 2)**

**Zapisnik 3 Općinske izborne komisije  
u predmetu imenovanja sekretara OIK Novo Sarajevo**

Općinska Izborna komisija održala je \_\_\_\_\_ u \_\_\_\_\_ sati u prostorijama Općinske izborne komisije sastanak, na kojem je obavljeno konačno bodovanje kvalifikovanih kandidata na Interni oglas za imenovanje sekretara OIK Novo Sarajevo broj: \_\_\_\_\_ od \_\_\_\_\_ godine i sačinjena rang - lista uspješnih kandidata.

a) Bodovanje kandidata po osnovu: stručne spreme i naučnog zvanja, izbornog iskustva i uspjeha postignutog na intervjuu:

(Tabela 1)

R/b	Ime i prezime kandidata	Ukupan broj bodova po osnovu stručne spreme	Ukupno bodova po osnovu dodatnog bodovanja	Ukupno bodova po osnovu izbornog iskustva	Ukupno bodova postignuto na intervjuu	Ukupno bodova
		1	2	3	4	(zbir 1+2+3+4)
1.						
2.						

**Potpis članova Općinske izborne komisije**

b) Rang - lista uspješnih kandidata: Tabela (2)

R/b	Ime i prezime kandidata	Ukupan broj osvojenih bodova (Tabela 1)
1.		
2.		

**Potpis članova Općinske izborne komisije**